

ISSN 1818-9032



KAZAKSTAN MYRATAMMASU

1(2) / 2006

Рашид ОРАЗОВ, Ш.Ш. Уәлиханов атындағы
Тарих және этнология институтының кіші
тылыми қызметкери


СЫЗДЫҚ СҰЛТАН

Сыздық Кенесарыұлына қатысты деректер Қазақстан Республикасы Орталық Мемлекеттік мұрағатының 383-және 267-қорлары мен 345-қорында және Өзбекстан Республикасы Орталық Мемлекеттік мұрағатының 1-ші, 17-ші қоры мен 715-қорларында сақталған. Сондай-ақ «Военный сборник», «Русский вестник», «Голос», «Туркестанский сборник» секілді мерзімді басылымдарда және әскери тарихшылар М. А. Терентьев, Н. Павлов, Е. Смирнов, Н.И. Гродеков, Д. Ромоновскийдің еңбектерінде Сыздық сұлтанға қатысты мәліметтер бар. Ал соңғы кезеңде А.Ш.Махаева, С.Сайфумаликова Сыздық сұлтан мен Кенесары үрпақтарына байланысты тылыми мақалалар жариялауда.

Мұрағат қорларындағы деректер мен 1917 жылға дейінгі орыс зерттеушілерінің еңбектерінде Сыздық есімі Садық, Сыдық деп те берілген. 1910 жылы Ташкентте жарық көрген Н. Павловтың «История Туркестана» атты еңбегінде Сыздықты былайша сипаттаған: «Кенесары Қасымұлының баласы, Абылай ханың шөбересі, Тұрандағы аса ірі тұлғаның бірі болып табылатын даланың осынау жаужүрек ұлтының бойына бізге деген өшпенділік ана сүтімен бірге сіңгендей еді. Тұран өлкесіндегі өз замандастарынан Сыздықтың сирек кездесер оқшау бір өзгешелігі - атақ, мансап, қадыр құрмет ізdemегендігі, жақсы жауынгер, талмас қажыр иесі екендігі де, оның жақсы қасиеттерінің қатарында аталуы тиіс»—дейді¹.

XIX ғасырдың 60-жылдары Ресей империясының Оңтүстік Қазақстанды әскери жаулап алуды кезінде, оларға қарсы сұлтан Сыздық Кенесарыұлы әке жолын жалғастырып, тәуелсіздік үшін құрескен болатын.

1860 жылғы Ұзынағаштағы шайқас кезінде қоқан әскерінің орыстардан женілуі, Кенесары үрпақтарының өмір жолын екіге айырған болатын. Тайшық пен Ахмет орыс билігін мойындалап, Перовскіге көшеді. Сыздық сұлтан қоқандықтар жағында қалған болатын. Қазақстан Республикасы Орталық мемлекеттік мұрағатында 1863 жылы 27 наурызда жазылған мына бір дерек мәліметінде Сыздықтың да туыстары мен орыс билігіне өткендігі туралы айтылады. «Көшек Қасымов, Сыздық Кенесарин 92 үйлі түтінмен Қаратудан көшіп, Атбасар округіне келді. Сыздық, Омар, Оспан, Әбубәкір және Жақай сұлтандар төлеңгіттерімен және 42 түтінмен Қызылтас - Ебескі Жұртшы болыстығына тоқтады. Сұлтан Көшек Қасымов балала-



Сыздық Кенесарыұлы,
Қасым немересі

зы Эбілфейіз, Қашқынбай, Әбілқайыр, Арыстанбек және Үсен Қасымов, Балғожа мен Қрәлі (Прөлі – Р.О.) Бопиндер 50 үйлі тұтінмен Қара бала – Сарғалдақ болыстығына орналасты. Әлар бұл округке көшіп келіп, билікті мойындастық дегенімен біздің айтқанымызды орындағай өздерінің тонауышылық әрекеттерін жалғастыруда»². Сонымен қатар «Голос» газетінде қарық көрген мақалада: «1862 жылы Сыздық біздің билігімізге бағынатын, кезекті бір барынгада ол Перовскіден Түркістанға қашып кетті. 1864 жылы Түркістанды басып алар кезімізде ол бізге қарсы құресті» деп жазады³.

Орта Азия хандықтарының ішінде Ресейдің жаулаушылық соғысина қарсылық көрсеткен Қоқан хандығының регенті қыпшақ Әлімқұл болды. Бұл кезде Әлімқұлды қолдаушылардың бірі Сыздық сұлтан Шымкент бекінісін қорғауда ерлік жасаған еді.

1964 жылғы 20 шілдеде Черняев әскери Шымкент бекінісіне шабуыл жасайды. Ал Әлімқұл қала қорғанысын қүштеп, Сыздық сұлтан мен Мыңбайға екі мың сарбаз беріп, қорғаннан гысқары Қошқар ата тарапынан орыс әскериңе ашық шабуылға шығуға бұйрық береді. Әларға біз керней тартқанда шабуылға шығындар деп ескертеді. Черняев әскерін бекініске қақын әкеліп, зенбіректен қорғанға қарай оқ ата бастайды. Әлімқұл қорғаның ішінде тұрып, зенбіректен қарсы оқ атады, осы уақытта орыс әскери Черняевтің бұйрығымен мылтықты жүре атып, бекініске жақындей түседі. Әлімқұл орыс әскерін бекініске жақындастып алып әкпен қарсы алып, оларға тосқауыл жасады. Дәл осы кезде ашық үрісқа Сыздық пен Мыңбай бастаған әскер араласып, орыс әскерін үлкен шығынға ұшыратты.

Шайқаста Черняев әскерінің құрамында болған капитан Г.Сярковский 1891 жылғы өзінің естелігінде «Көпке созылған атысулардан нәтиже шықпады. Қаланы басып алу мүмкіншілігін сезеген қолбасшымыз амалсыз шегінуімізге бұйрық берді» - деп жазды⁴.

Шымкентке жасалған алғашқы шабуылда орыс әскерінің зенбіректерінің оғының алысқа ұшуы мен дәл тиоі, қоқандық зенбіректерге қарағанда төмен еді. Бұл кезде Қоқан әскери соңғы үлгідегі ағылшын зенбіректеріне қол жеткізген болатын. Шымкентке жасаған алғашқы шабуылда нәтижеге жетпеген генерал Черняев Өзалиеатаға қарай шегінеді.

Әлімқұл Шымкент қаласындағы женіс күнінің ертесінде әскер басшыларымен болған кеңесте тәуелсіздік үшін курес жолында қаза тапқандарға дұға оқып, келесі шайқастың үлкен болатынын ескерте отырып, қорғанысты нығайту мүмкіншілігін қарастырып, әскер басшыларға нақты һұсқауларын берді. Шымкент бекінісін қорғау Ташкенттің бектербері Мұрза Ахметке тапсырылды. Ал сұлтан Сыздыққа Шымкент пен Ташкент аралығындағы бекіністерді нығайту мен жаңа күштерді топтастыру міндеттері жүктелді. Әлімқұлдың өзі үлкен күштерді жинау мақсатында Қоқанға кетеді. Сондай-ақ ол Бұхар, Хиуа хандықтарын біріктіру арқылы Ресейге қарсы соғыс Одағын құруға күш салды. Ағылшын үкіметінің де басты көзделеген мақсаты Қоқан, Бұхар және Хиуа хандықтарының біріккен одағы құрылып, Ресей империясына қарсы тұрса, онда өздерінің Ауғанстан мен Индиядағы биліктеріне қауіпті болмайтынын сезді. Егер бұл одақ құрылса, Ресей мен Ағылшын отарларының аралығындағы сенімді қабырға болады деп есептеді⁵.

Бірақ Ресей империясы мұндай одақтың құрылуына мүмкіндік тудырмады. Мұрагат мәліметтерінде Сыздық сұлтан Бестамғалы мен Қоңырат руларын орыс әскерінен қарсы қүресте өзін қолдауын өтінеді. Бірақ бұл рулар Сыздықтың өтінішінен бас тартып, Бестамғалы руының үлкен бөлігі Өзалиеата бағытына көшсе, ал Қоңырат рулары Перовск бағытына көшеді⁶.

Шымкентті орыс әскері басып алардың алдында Қоқан хандығының өз ішінде екі саяси топ құрылады. Біріншісі қыпшақ партиясы орыс отарлауына қарсы тұрса, ал екінші сарт партиясы орыстармен бейбіт келісімге келіп, экономикалық және саяси байланысты нығайтуға күш салған сауда қолөнершілер еді⁷.

Осындай саяси қайшылықтарды жансыздар (тыңшылар) арқылы білген Черняев барлық күштерін топтап, Әлімқұлдың қайтып келуіне дейін Шымкентті басып алу жоспарын жасайды. 1864 жылдың 19 қыркүйегінде Черняев әскери мен подполковник Лерхе бастаған екі отряд Шымкент түбінде қосылып, жергілікті жердің жағдайын барлап алғаннан кейін, 20 қыркүйекке қараған түні қалаға шабуыл жасау үшін батареялар тұрғызуға кірісті. Черняевтің қалаға жасаған алғашқы артиллериялық шабуылы нәтижесіз болды. Қаланың дуалының

қатты болуы және қоқан өскерінің қарсылығының күшті болуы Черняев өскерін абыржытты.

Осы абыржыту қоқан өскерін жігерлендіре түсіп, ашық айқасқа көшті. Міне осы жағдайды подполковник Лерхе дер кезінде пайдалана білді. Лерхе капитан Сярковскийді өз тобымен дуалдың сол жағымен жылжытуға, ал капитан Мрочекқа он жағымен жедел қала қақпасына қарай жылжуға бұйрық береді. Лерхе қалған өскермен тіке қала қақпасына қарай шабуылдауды. Осылайша Лерхе ашық айқасқа шықкан қоқан өскерін өкшелей отырып, бекініс қақпасына жеткен, олар қала қақпасын алып, қалаға басып кіреді. Черняев Лерхеге көмекке 2 рота мен артиллериялық взводты қосымша жібереді.

Қоқандықтардың абыржыун пайдаланған Черняев өз отрядымен қаланың қамалына басып кіреді. Қала халқын аяусыз қыргынға ұшыратқан Черняев өскері қаланы толықтай басып алды. Орыс өскерінің Шымкентті басып алуы кезінде 6 адамы қаза тауып, 41 адамы жарапанады⁸. Шымкентті басып алуын Черняев Орта Азияға ашылған қақпа деп есептеді. Шымкентті басып алған генерал-майор Черняевты 3 дәрежелі өулие Георгий орденімен, подполковник Лерхенің шені полковнике көтеріліп, ол 4 дәрежелі өулие Георгий орденімен, полковник Кочаловқа генерал-майор шені, поручик Макаровқа алтын қылыш, поручик Тумановты 4 дәрежелі өулие Владимир орденімен марапаттайты. Ал қалған төмөнгі шендергілерге 1 сомнан күміс ақша берілді⁹.

Шымкентті басып алған жеңісіне шабыттанған Черняев ендігі кезекте Ташкентті басып алуға ұмтылды. Черняев 1864 жылғы 27 қыркүйекте 8 жаяу өскер ротасы және 1 жүздік казак, 12 зеңбірекпен қаруланған, жалпы саны 1550 өскермен, сондай-ақ 400 қазақ жасағымен Шымкенттен Ташкентке қарай жылжиды. Бұл кезде Ташкентте 100 000 халық тұратын. Қала дуалмен қоршалған болатын¹⁰.

Черняев өскери Шымкент пен Ташкент аралығындағы Қазығұрт тауында, Келес өзенінің бойындағы Шарапхана, Талды бұлак, Тұrbat, Шарбұлақ маңайында сұлтан Сыздық бастаған жергілікті халықтың қарсыласуына тап болады. Әсіреле Ташкенттің солтүстік шығысындағы «Черняевка» (Жібек Жолы) деп аталған жерлердегі шайқастар, Ташкент маңындағы табан тірескен Сыздық пен Құралбай датқа мен Бұзғыннебе бойындағы шайқастың нәтижелері генерал Черняевтің алға жылжуына мүмкіндік бермегі. Осылайша Черняев Ташкентке жасаған шабуылы нәтижесіз болып, 4 қазанда Шымкентке қарай шегінеді. Шайқас кезінде Черняев 125-ке жуық өскерінен айырылады. Соның ішінде подполковник Обух та болды¹¹.

1864 жылы Әлімқұл орыстардың қол астына өткен Туркістан қаласын олардың тартып алу мақсатында аттанғанда, орыс өскері мен қоқандықтар арасындағы Иқан тубіндегі болған шайқаста Сыздық Кенесарыұлы Әлімқұлдың он қолы болған. Бұл кезде Иқан ауылы көлемі жағынан 200-ге жуық үйден тұрды. Мұнда тұратын адамдар диканшылықпен айналысты¹².

Иқан селосының тубінде болған шайқаста Сырдария шебінен шықкан өскерді орал казактарының есауылы В.Р.Серов басқарды. Осы ұрыста Әлімқұлға Сыздық сұлтан 800 өскерімен көмек көрсетеді. 1864 ж. 4-6 желтоқсанда Иқан тубіндегі ұрыста Сыздық бекіністегі орыс өскеріне шабуылдауда әкесі Кенесарының соғыс тәсілін қолданады. Сыздық сұлтанның Иқандағы ерлігін алғаш жырлаған Майлықожа ақын.

1865 жылы мамыр айында генерал Черняев басшылығындағы патша өскерлері үлкен дайындықтан кейін, Ташкент қаласын басып алу үшін келіп, қаланы қоршауға алады. Ең үлкен шайқастың бірі Сарытөбеде болды. Әлімқұл бұл жерде ауыр жарадар болып, көп кешікпей қайтыс болады. Сыздық сұлтан оны қадірлеп Шайхантаур мазарына қойдырады. Ташкентті қорғау басшылығына Сыздық тағайындалады. Ол Ташкент қаласының бас қазысы молла Сәлімбек пен Хаким-Ходжа және тағы да басқа басшылармен кеңес өткізеді. Ташкент қаласының он екі қақпаларын топырақпен бекітуді тапсырады. Арыстанбек, Бекбау датқаларға қаланың қақпаларын нығайту міндеттерін тапсырады. Үш күн, үш түн орыс өскерлерінің шабуылдарына тойтарыс беріп отырды. Төртінші күні генерал Черняев қала қақпасына жақын жерлерден оқ боратты. Генерал Черняев Ташкенттіктердің табандылықпен қарсыласуына таң қалып, „Әлімқұл қайтыс болған болса, бұл қарсыласуды кім басқарды?” – деп таңданғанда, „Әлімқұлдың орнына Сыздық сұлтан басшылық жасауда” деген хабарды естиді. Сонда ол „Бұл қолбасшы Әлімқұлдан да күшті екен” деп, оның қорғану әдісіне мән берген. Ташкент қаласының қорғанысының ұзындығы 24 шақырым болып, оның 200

мың ҳалқы бар еді. Жаудан қорғануға 30 мың кісі қатысты. 22 мамыр күнгі шайқас қаланды, сусыз қалуы мен азық-түліктің жетіспеуінен жағдайды ауырлатып жіберді. Бірақ қала ҳалқы бұған мойымай берік қорғанысты қүшайте түсті. Мұны Сыздықтың тапқыр басқаруымен байланыстыруға болады. Ішкі өзара билік үшін күрес ақыры Ташкентті орыстар қолына өтуіне әкеліп соқтырды. Сыздық сұлтан Бұхар хандығының жеріне кетеді.

Сыздық сұлтан мен Черняев әскері арасындағы Жизақ соғысында Черняев әскері Сырдарияға қарай шегінеді. Одан кейінгі шайқас Шардарада болады. Сыздық өзімен бірге Арысланбек, Бекбай датқаларды алып, Шардарага қарай бет алып келе жатқанда генерал Черняевтің 400-ге жақын әскерлері жергілікті Шардара ҳалқын қырып, малдарын тонау көзінде, тұтқылдан шабуыл жасап, жергілікті ҳалықтың аман қалуына көмектеседі. Жергілікті ҳалық Сыздық сұлтанға дән риза болып, Сырдария бойындағы жаудың көмесіне шабуыл жасауына көмектеседі.

Сондай-ақ, Сыздық сұлтан Нұрата тауының тәбесіне орналасқан Назар деген кісінің басшылығындағы 500 жігіттерімен патша әскерлеріне қарсы күреспейтін, тек қана елдің малдарын айдал келіп, күн кешіріп жатқанын көріп, оларды өз жағына өткізу шараларын ойлады. Көп әрекеттерінен кейін елдің тәуелсіздігін сақтап қалу, жауға деген қаһарын Сыздық сұлтан Назарға түсіндіре білді. Дұшпанның кімдер екендігіне көзі жеткен Назар өзінің жігіттерімен Сыздықтың сарбаздарына келіп қосылды. Ҳалықтан алған малдарын қайтарып берді. Осылайша Сыздық сұлтан өзінің мемлекерлігін көрсете білді.

1868 жылдың мамыр айында Ахмет Кенесариннің Ресей жағына өт деген үгітіне Сыздықтың жолдаған жауап хаты мынандай болды: «Мениң бауырым Ахмет Кенесаринге дұғай сәлем және төмендегіні хабарлаймын. Құдай сақтап, біз аман – сау тұрып жатырмыз. Сіздің сұлтан Тере арқылы жіберген хатынызды алып, қатты қуанып қалдым, менің әйелім балаларымен Бұхарада тұрады, менің өзім өлі толық азат емесспін, бір өзім сіздерге бара алмаймын. Сіздердің орыс басшыларыңыз ешкімге жамандық жасамайды, ешкімді қыспаққа алмайды және мен бұған сенемін. Орыс басшылары иғі ниетпен және рақымдылықпен мені еске алышты – мен бұған ризамын. Бұдан кейін сіздерге айтарым, енді маған бала-шағасыз кету мүмкін емес, мен жалғыз қала алмаймын, ал үй-ішімді алып, мынадай ыстықта да-лада журу тағы ыңғайсыз. Амандық болса, күзде отбасымды бірінші жіберіп, жігіттермен қашып шығармын. Құдай қаласа, сіздермен сонда жолығармыз және орыс басшыларына көрінермін.

Мениң бұл бұйымтайымды орыс басшыларға жеткізуді сұраймын. Өзімнің сөзімді растап мөр бастым. Сұлтан Сыздық төре Кенесарыұлы»¹³.

1870 жылды генерал-губернатор Кауфман көп әскермен Хиуага беттейді. Бұл кезде Сыздық сұлтан Хиуа тарабына өткен еді. Хиуа ханы Сыздық сұлтан көп сарбаздармен Кауфманға қарсы аттанады. Бірақ та Хиуа сарбаздары мен әскери күштерді біріктіре алмаған Сыздық сұлтан өз сарбаздарымен Чаржауга қарай кетеді. Сыздық сұлтан Хиуа ханына барды. Хиуа хандығын бұл кезде орыс әскерлері екі тараптан шабуылдан келе жатқанына орай Хиуа ханы олармен келісімге келуге мүдделі еді. Сыздық сұлтан ханмен қайырласып, түркімендерге қарай кетеді. Мерв ханы Қауышты Сыздықты құрметпен қарсы алып, жәрдем көрсететінін және Бұхара әміріне қарсы шабуыл жасауды ұсынады. Бірақ та Сыздық қан төгудің қажетсіз екендігін ескеptіп, тек Гератқа жетіп алуға жәрдем сұрайды. Хан бұл ұсынысын қабыл алып, қырық жігітпен Гератқа жібереді.

Сыздық сұлтанның Қашғарға келуі туралы мұрағат қорларында мынадай дерек сақталған. «Кенесарыұлы Сыздық төре қазіргі кезде Қашғарда, Бағдаулеттің билігіне Кабул мен Бадахшан арқылы келген. Яңгишарға тоқтаған, онда 8 айдай үй қамауында болды. Сыздықты Жақыпбек жақсы қабылдап, оны әскерінің қолбасшысы (Әмір Лашкер) етіп тағайындал, баласының әйелін, яғни келінін Сыздыққа қосты. Сонымен қатар, бір қытай қызын берді. Қазір Сыздық мырза Ахметпен бірге бір үйде тұрады»¹⁴ деп мәлімдеді. Сыздық сұлтанның Жақыпбек құрған мемлекетке келуін, ондағы қызметтің Ресей империясы жіті бақылап отырды. Шығыс Түркістандағы Жақыпбек құрған мемлекетті Қытай империясы басып алғаннан кейін, Сыздық амалсыз орыс билігін мойындал туған еліне оралады.

1878 жылды 10 ақпанда Ферғана облысының әскери губернаторының Түркістан генерал-губернаторына берген мәліметінде: «бұрынғы Қашғар иелігіндегі Сыздық Кенесарыұлы жа-

раланып, біздің билігімізді мойындаш Ошқа келді. Егер сіз рұқсат етсеңіз Сыздықты өз өтініші бойынша Шымкент қаласындағы туған інісі Ахмет Кенесаринге жібергеніміз дұрыс болар» -деді¹⁵. Сондай-ақ Қашғардан келгенде Сыздықта екі стволды қару мен Берден мылтығы болған, бұл қаруларды орыс әскерлері тәркілеп Ташкент артиллериялық ведомостысының қоймасына өткізеді¹⁶. Түркістан генерал-губернаторы Сыздық сұлтанға дәрігер жіберіп, жарасын емдел жазады. 1878 жылы 8 сәуірде Ош уезінің бастығы Сыздықты Ташкентке жібереді. 9 маусымда Шымкент уезінің бастығы өзінің кіші көмекшісі Ахметке ағасы Сыздықты қолына алар кезінде міндетті турде жазбаша қолхат алуын тапсырады. Уезд бастығының мұндағы мақсаты Сыздықтың көп жылдар бойы орыс үкіметіне қарсы соғысқанын ескеріп, егер Сыздық бұдан кейінгі өмірін тыныштықпен өткізбесе онда заң арқылы жазаланатынын ескертеді¹⁷. Сыздық сұлтан бұдан кейінгі өмірін Шымкент уезінде өткізді. Шымкент уезінде келген Сыздық 1878 жылы уезд бастығына өтініш хат жолдайды. Онда Ақмола облысындағы туыстарына барып қайтуы үшін бес айға рұқсат етуі туралы айттылған. Бұл өтінішке уезд бастығы тек өлкे бастығының рұқсаты керек екендігін ескертіп, генерал-губернатордан оны Сібір жеріне жібереміз бе, жоқ па деп сұрайды. Қорыта айтқанда ұзақ жылдар бойғы Ресей империясының отарлық саясатына қарсы жүргізілген Сыздық сұлтанның күресі халқымыздың ұлт-азаттық қозғалысының құрамдас бөлігі ретінде көрінді.

1 Павлов Н. История Туркестана. Ташкент, 1910. С.163.

2 Қазақстан Республикасы Орталық мемлекеттік мұрағаты (Бұдан кейін ҚРОММ) 345-к, 1-т, 711-іс, 71-74 пл.

3 Голос . 1869. №169.

4 Сярковский Г. О Туркестанских походах 1864-1865 гг.// Военный сборник 1891. № 2. С. 372-373.

5 Туркестанский край. Сборник материалов для истории его завоевания. Составитель А.Г. Серебренников. Т.17.(1864г.). Ч.1. С.8-19.

6 Там же.

7 Там же. С. 125.

8 Там же. С. 130.

9 Туркестанский край. Сборник материалов для истории его завоевания. Т.17. (1864 г.). Ч.2. С.150.

10 Там же. С. 163.

11 Там же. С. 133.

12 Там же. С. 202.

13 Өзбекстан Республикасы Орталық мемлекеттік мұрағаты (Бұдан кейін ӨРОММ), 17-к, 1-т, 9682-іс, 33П.

14 Сонда.

15 ӨРОММ. 1-к, 19-т, 331-іс. 12-п.

16 ӨРОММ. 1-к., 19-т., 790-іс., 2.п.

17 ӨР ОММ. 1-к, 19-т, 331-іс. 11-п.

Резюме

В статье на основе архивных источников освещаются отдельные аспекты жизни и деятельности Сыздыка Кенесарина. В статье использованы материалы из Центрального государственного архива Республики Казахстан и Центрального государственного архива Республики Узбекистан.

Summary

In the given article the author considers some parties of life Syzdik Kenesaryn on the basis of archival sources. The author uses materials of the Central state archive of Republic Kazakhstan and the Central state archive of Republic Uzbekistan.